



DEPUTACIÓN PROVINCIAL
A CORUÑA



SERVICIO DE PATRIMONIO E CONTRATACIÓN

Número 38 /2018

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONCELLO DE SANTIAGO DE COMPOSTELA PARA FINANCIAR A CELEBRACIÓN DA FASE FINAL DA SUPERCOPA DE BALONCESTO QUE TERÁ LUGAR NO CONCELLO DE SANTIAGO DE COMPOSTELA, NO MES DE SETEMBRO DE 2018.

Na Coruña, a 11 de xuño de 2018.

REÚNENSE

Dunha parte, D.Valentín González Formoso, presidente da deputación provincial da Coruña,
Doutra parte, Dna. María Rozas Pérez, Alcaldesa en función do Concello de Santiago de Compostela por Decreto de Alcaldía de 31 de maio de 2018.

MANIFESTAN

- 1.- Que ambas as dúas partes recoñécense plena capacidade para outorgar o presente convenio.
- 2.- Que o **Concello de Santiago de Compostela**, será a sede da celebración da fase final da Supercopa de Baloncesto que terá lugar no mes de setembro de 2018
- 3.- Que as deputacións teñen entre os seus fins propios e específicos asegurar a prestación dos servizos de competencia municipal, e os concellos teñen como competencia propia a promoción do deporte; ademais, é competencia das deputacións a cooperación no fomento do desenvolvemento económico e social.
- 4.- Que, neste contexto, a Deputación da Coruña está interesada en colaborar co **Concello de Santiago de Compostela** na celebración do citado evento
- 5.- Que, en virtude das consideracións anteriores, a Deputación da Coruña e o **Concello de Santiago de Compostela**, acordan subscribir o presente convenio de colaboración de acordo coas seguintes

CLÁUSULAS

I.-OBJECTO.

O obxecto do presente convenio é establecer as bases da colaboración entre a Deputación Provincial da Coruña, o **Concello de Santiago de Compostela** (CIF:P1507900G) para cooperar economicamente no desenvolvemento da **celebración da fase final da Supercopa de Baloncesto, que terá lugar no Concello de Santiago de Compostela no mes de setembro do 2018.**

Coma contraprestación o **Concello de Santiago de Compostela** entregará á Deputación provincial da Coruña 50 aboamentos gratuitos cunha antelación mínima de 15 días ao comezo do evento.

II.- Orzamento de gastos da actividade a realizar pola entidade beneficiaria.

O **Concello de Santiago de Compostela** desenvolve as actividades programadas, segundo se definen na cláusula anterior, consonte ao seguinte orzamento:

CONCEPTO	IMPORTE
PATROCINO ACB SAU	242.000,00€

III.- Financiamento provincial e outros ingresos que se obteñan ou aporten para a mesma finalidade.

1.- A Deputación da Coruña contribuirá ao financiamento das actividades, tal como se definen na cláusula primeira, cunha achega máxima de **121.000,00 €**, o que representa unha porcentaxe do **50,00 %**.

A contía restante, ata acadar o importe total do orzamento da actividade, está financiado con cargo a recursos, propios ou alleos, acreditando o concello beneficiario que ten consignado o crédito adecuado e suficiente para imputar a totalidade do gasto imputable ao concello.

No caso de que a gasto xustificado non acadase o importe total previsto na cláusula segunda, a Deputación só achegará o importe que represente o **50,00 %** da cantidade efectivamente xustificada.

2.- Agora ben, se a cantidade xustificada resulta inferior ao 75 por cento do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

XII.- Incorporación ao rexistro público de subvencións e publicación da subvención concedida.

- 1.- No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación do **Concello de Santiago de Compostela** serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto.
- 2.- Asemade, no cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.
- 3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención ao **Concello de Santiago de Compostela** será publicada no Boletín Oficial da Provincia da Coruña e na páxina web dicoruna.es
- 4.- Un exemplar deste convenio, debidamente asinado, será incorporado ao rexistro de convenios que depende do Servizo de Patrimonio e Contratación da Deputación.

XIII.- Vixencia do convenio, prórroga ou modificación.

- 1.- O prazo de vixencia do presente convenio finalizará o **31 de maio de 2019** e terá efectos retroactivos, polo que as actividades contempladas nel poderán terse realizado dende o 1 de xaneiro de 2018.
- 2.- Previa solicitude do **Concello de Santiago de Compostela**, realizada alomenos dous meses antes da data do fin do prazo, o convenio poderá ser prorrogado por acordo expreso de ambas as dúas partes, e previos os informes preceptivos da Unidade xestora, do Servizo de Patrimonio e Contratación, da Secretaría e da Intervención da Deputación.
- 3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

XIV.- Natureza, interpretación e xurisdición competente.

- 1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións, e na Lei 9/2007, de 13 de xuño, de subvencións de Galicia; supletoriamente aplicarase a lexislación de contratos do sector público.
- 2.- Para o seguimento coordinado da execución do presente convenio poderá crearse unha comisión de seguimento formada por dous representantes de cada unha das institucións nomeados polo Presidente da Deputación e do **Concello de Santiago de Compostela**, respectivamente.
- 3.- Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora da dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por Acordo Plenario do 8 de xuño de 2018.
E en proba de conformidade, asinan por cuadruplicado exemplar o presente convenio, no lugar e data indicados no encabezamento.

O PRESIDENTE
DA DEPUTACIÓN PROVINCIAL DA CORUÑA

Asdo.: Valentín González Formoso

A ALCALDESA EN FUNCIÓNS DO CONCELLO DE
SANTIAGO DE COMPOSTELA

Dna. María Rozas Pérez

O SECRETARIO
DA DEPUTACIÓN PROVINCIAL DA CORUÑA

Asdo. José Luis Almaru Supervía

3.- O importe do financiamento provincial farase efectivo con cargo á aplicación orzamentaria 0612/3411/46201, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

4.- A subvención da Deputación é compatible coa percepción doutras subvencións ou axudas, públicas ou privadas, que o **Concello de Santiago de Compostela** obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

5.- No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

IV.- Contratación e execución.

1.- Corresponderalle ao **Concello de Santiago de Compostela** o outorgamento dos contratos de subministro, servizos e asistencia para a completa realización das actividades programadas.

2.- No procedemento de contratación, o **Concello de Santiago de Compostela** axustarase toda a súa actuación ao disposto na lexislación de contratos do sector público.

V.- Publicidade do financiamento provincial.

1.- A imaxe corporativa do evento e todos os materiais promocionais deberán incorporar a imaxe institucional da Deputación provincial da Coruña como entidade colaboradora, que deberán ser acordados coa Deputación e que poderán consistir en publicidade activa mediante paneis fixos, paneis electrónicos ou calesqueira outros medios que ao respecto sexan utilizados polas Entidades colaboradoras".

2.- Coa memoria e conta xustificativa achegaranse documentos que acrediten o cumprimento desta obriga do **Concello de Santiago de Compostela**

VI.- A xustificación necesaria para recibir a achega provincial.

1.- A achega da Deputación seralle abonada ao **Concello de Santiago de Compostela** do seguinte xeito:

Primeiro prazo, por importe máximo do 50% da subvención, co carácter de anticipo prepagable a xustificar. unha vez formalizado o presente convenio en documento administrativo e previa **acreditación** do cumprimento das obrigas tributarias e coa Seguridade Social, segundo o previsto na cláusula oitava.

Coa finalidade de xustificar este anticipo prepagable, o **Concello de Santiago de Compostela** remitirá á Deputación Provincial da Coruña a certificación do Concello do pago realizado, xustificante da transferencia bancaria efectuada á ACB SAU, e copia da factura polo importe aboado.

Esta documentación deberá ser presentada no prazo de un mes dende o ingreso do 50% da subvención concedida.

Segundo prazo, por importe do 50 % restante, da subvención concedida, aboarase despois da da **celebración da fase final da Supercopa de Baloncesto**, previa presentación da seguinte documentación:

* **Factura** expedida pola ACB SAU.

* **Certificación** do Concello do pago realizado.

* **Xustificante** da transferencia bancaria efectuada á ACB SAU

* **Memoria** xustificativa do cumprimento das condicións impostas na concesión da subvención que conterá, como mínimo: a descrición das actividades realizadas, tanto a propia competición, como as actividades paralelas deportivas/ culturais, estimación de asistentes, estimación do retorno económico.

* **Relación** detallada das subvencións ou axudas obtidas doutras administracións públicas ou entidades privadas para o mesmo obxecto ou, pola contra, declaración de non ter outras subvencións públicas ou privadas para o mesmo obxecto.

* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

* **Acreditación** do cumprimento da obriga de facer constar a colaboración da Deputación en toda a información (impresa, informática ou audiovisual) que se teña feito das actividades subvencionadas, establecida na cláusula quinta.

2.- Se tiveran transcorrido máis de catro meses desde a axeitada e correcta xustificación dos compromisos adquiridos sen que tivera cobrado o importe que lle corresponda, o **Concello de Santiago de Compostela** terá dereito ao abono dos xuros de demora, ao tipo de interese legal, que se devenquen desde a finalización do prazo de catro meses ata o momento no que se faga efectivo o pagamento.

VII.- Termo para a realización da actividade e prazo de xustificación.

1.- As actividades que son obxecto de financiamento provincial, tal como están descritas na cláusula primeira, rematarán o 31 de decembro de 2018.

2.- O **Concello de Santiago de Compostela** deberá presentar a xustificación documental á que se refire a cláusula sexta antes do **30 de abril de 2019**.

3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requirimento ao **Concello de Santiago de Compostela** para que a presente no prazo improrrogable de **quinze días**.

A falla de xustificación da subvención neste prazo excepcional conlevará a perda da subvención e demais responsabilidades previstas neste convenio e na lexislación aplicable ao respecto.

Aínda así, a presentación da xustificación neste prazo adicional non eximirá ao **Concello de Santiago de Compostela** da sanción que, de conformidade co disposto na Lei de subvencións e na Base 56ª 6ª das de Execución do Orzamento da Deputación, lle poida corresponder.

VIII.- Cumprimento das obrigas tributarias e coa Seguridade Social e a súa acreditación.

1.- O **Concello de Santiago de Compostela** deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa Comunidade Autónoma, coa Deputación Provincial da Coruña, e coa Seguridade Social.

2.- A acreditación do cumprimento das ditas obrigas poderá realizarse mediante declaración responsable expedida polo órgano competente, mediante a presentación dos correspondentes certificados ou ben autorizando á Deputación a que obteña telemáticamente os correspondentes certificados.

3.- A acreditación do cumprimento das obrigas tributarias coa Deputación Provincial determinarase de oficio por esta.

IX.- Destino e manexo dos fondos recibidos.

1.- O **Concello de Santiago de Compostela** destinará os fondos recibidos ao pagamento dos xustificantes de gasto presentados.

2.- Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do receptor; só excepcionalmente se poderá realizar o pago en metálico para gastos de ata 150 €, nos que non resulte imposible a utilización dun dos medios anteriormente indicados.

X.- Control financeiro da Deputación e dos órganos de control externo.

1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, o **Concello de Santiago de Compostela** poderá ser escolleito pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.

2.- Asemade, de acordo co previsto na lei 6/1985, de 24 de xuño, do Consello de Contas de Galicia, o **Concello de Santiago de Compostela** queda sometido aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuciamiento contable que poida incoar o Tribunal de Contas, e a calquera outro órgano de control, nacional ou europeo.

XI.- Reintegro, infraccións e sancións.

1. O incumprimento dalgunha das cláusulas previstas no presente convenio de colaboración poderá implicar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciarase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na Ordenanza provincial reguladora do control financeiro de subvencións e dos procedementos de reintegro e sancionadores derivados (BOP nº 116 de data Luns, 22 de xuño do 2.015)

3. Para os supostos de retraso na realización das actividades ou retraso na presentación da xustificación se estará ao disposto na Ordenanza provincial reguladora do control financeiro de subvencións e dos procedementos de reintegro e sancionadores derivados (BOP nº 116 de data Luns, 22 de xuño do 2.015).